

Latit. Gr. Scr.	Longit. Gr. Scr.
41. 30.	37. 5.
40. 40.	55. 30.
16. 0.	69. 0.
40. 0.	15. 0.
31. 38.	66. 34.
33. 27 $\frac{1}{2}$	67. 53.
33. 17.	66. 56.
31. 47 $\frac{1}{2}$	67. 17 $\frac{1}{2}$
31. 25.	66. 45.
31. 27 $\frac{1}{2}$	67. 4.

Tres Tabernæ, in Pauli itinere à Puteolis Romam, Act. Apost. 28. v. 15.

Troas. Asiæ Minoris regio propter Trojæ cladem notissima, Act. 16. v. 8. cum pertransissent (Paulus & Timotheus) Mysiam, descendunt Troadem. v. 11. Navigantes à Troade, recto cursu veniunt Samothraciam (insulam.) Hujus aliquoties iterum mentio est in Act. Apost. 20. v. 6. & seq. ubi Paulus Eutychum adolescentem de tertio cœnaculo lapsum, mortuumque fuscitavit.

Troglodytæ. 2. Paral. 12. v. 3. Troglodytæ, & Æthiopes tamquam vicini inter se recensentur. Troglodytæ maritimi sunt, & inter Æthiopiam, & Mare Rubrum. Æthiopes in mediterraneis Africæ ad Nilum.

Tubal melius Thubal filiorum Japheth quintus, Genes. 10. v. 2. & 1. Paral. 1. v. 5. Pene autem ubique junguntur, & Thubal, & Mosoch, ut in Ezechiele 27. v. 13. aut Mosoch & Thubal, 32. v. 26. & 38. v. 2. 3. & 39. v. 1. Vide Javan & Mosoch. Posteris Mosoch Italia concessa, restat Hispania pro filiis Thubal; quod ante nos ipsimet Hispani quamplures, & alii dixerunt.

Turris Gregis prope Bethlehem, Genes. 35. nec longè ab illa Rachel Benjamin enixa in dolore partus moritur, & ibi sepulta est, v. 18. 19. Indeque egressus Abraham fixit Tabernaculum trans Turrem Gregis, v. 21. Turris Gregis etiam meminit Michæas Propheta 4. v. 8. Penes hanc Turrim audierunt Pastores Angelos canentes; Gloria in excelsis Deo.

Turris Libani, fortèque ea in Domo saltus Libani, de qua 3. Reg. 7. v. 2. & 10. v. 17. & 2. Paral. 9. v. 20.

Tyrus, cujus meminit Josue 19. v. 29. Ea proculdubio est antiqua Tyrus, novâ necdum constructâ, attamen antiquam illam Tyrum vocat Josue munitissimam, quæ nihilominus ab Israëlitis capta & deleta fuit; cum nulla sit Tyrus inter urbes, quas Tribus Aser non deleverit. Sed à Sidoniis postea nova Tyrus in rupe sive tumulo peninsulari penes litus ædificata, antiquâ illâ multo firmior fuit; atque in tantam aliquando pervenit magnitudinem, & opum abundantiam, ut Sidonem ipsam anteierit. Urbs ipsa Davidis & Salomonis temporibus Regem habuit Hiram, qui saxa, qui cedros è Libano, qui artifices prudentes & scientissimos misit, ad Domum Domini, sive Templum ædificandum, & Regiam Salomonis Domum. Ea tamen à Nabuchodonosore primùm, posteaque ab Alexandro Magno expugnata dirutaque: demùm reffloruit propter portus, situsque commoditatem. Ut autem Tyrus ipsa Sidonis colonia fuit, ita & Tyri Carthago, Utica, & ultra fretum Gaditanum, Gades.

V.

Vallis Arundineti. Josue 16. de Tribus Ephraim limitibus: v. 8. De Taphua pertransit contra Mare in Vallem Arundineti, suntque egressus ejus in Mare Salfissimum. 17. v. 9. Descenditque terminus Vallis Arundineti in Meridiem Torrentis civitatum Ephraim.

Vallis Benedictionis prope Desertum Thecæ: in quo Ammonitis, Moabitis, & Syris sive Idumæis contra Josaphat insurgentibus, ipse cum Populo supplex ad Deum confugit, & factum est ut hostibus sese mutuo cædentibus, non superfuit qui necem evaderet. Josaphat ergo & Juda Deum benedixerunt; & vestes, & vasa pretiosissima, & suppellectilem omnem diripuerunt, & locum Vallem Benedictionis appellarunt, 2. Paral. 20. v. 1. ... 26.

Vallis Casis, tertia inter urbes duodecim primæ partis Tribus Benjamin,